

盤洲文集

二十八





盤洲文集卷第七十

疏文四十一首

乾龍節功德疏二

四月維夏有開甲觀之祥千歲為春遙罄華封之祝  
淵聖皇帝伏願橫流福物順履泰亨問襄野之塗復  
迴天步賜紫皇之藥增壽帝齡

丙丁統日瞻華渚之流光甲子疑年指大椿而齊壽  
淵聖皇帝伏願金僊助順琳札與齡重易六爻將利  
艱於姜里受天百祿遂問道於廣成

天申節功德疏二

舒虹爍電日臨東井之躔亘地罄天人獻南山之頌  
敢憑蓬笠仰介槐楓恭惟

皇帝陛下高步皇衢重恢帝載剽甲兵而不用隱旒  
纘以無為德及淵泉二儀與之比大功光祖禰六籍  
所不能談式對誕彌同祈難老伏願休符錫羨瑞謀  
歲難壽考川增不數與三之夢本支鳥奕有開則百  
之祥

赤伏闔符光啓中天之運朱明紀至亶逢貫月之辰  
哀淨宇之緇黃增祥輝於箕翼恭惟

皇帝陛下詩賡瑞飢萊濟時龍帝幄求衣當夙興而



盤洲文集卷第七十

天申節



聽政邊城靜杵久宴閉以結盟慶河海之安瀾洽昆  
蟲而被澤時哉震夙人也謳吟伏願佛老護持乾坤  
長久繼天爲子覆禹貢之山川夢帝與齡邁周王之  
壽考

天申節功德疏

天有三辰誕紀虹流之慶山稱萬歲爭馳鼇抃之情  
繙蓬貝之祕文介岡陵之曼壽  
皇帝陛下伏願榮光旁燭福物來崇題南斗之長生  
等西方之無量舉蒼舒而去禱杵永振乾綱斯伯僑  
而役羨門遠超仙籍

盤洲文集十一

二

卷

天申節開啓疏

蕤賓數七和哉玉燭之時嵩嶽呼三清矣黃河之瑞  
仰憑梵貝少効消塵

太上皇帝陛下伏願翕受頌聲橫流福物齊蹤邃古  
較堯舜以錙銖尚盛列僊笑僑松之呼吸

滿散疏

天有三辰實紀虹流之慶山稱萬歲爭馳鼇抃之情  
窮貝藏之秘文衍楓宸之曼壽

太上皇帝陛下伏願榮光旁燭福物來崇瞻金闕之  
殊祥鼎來戩穀受玉卮之縟禮永對驩謠



會慶節功德疏三

爲天下君光啓蟬連之業祝聖人壽率同獸舞之歡  
虔叩梵宮仰祈恭筴

皇帝陛下伏願畢轄百福丕冒八荒何必學仙求蓬  
萊安期之屬自然享國過高宗祖甲之年

非煙非雲騰神光而載夙如山如阜祈壽筴以同辭  
皇帝陛下伏願蓮相凝符貝編集福五帝足六已邁  
德於商周萬歲者三更垂鴻於箕翼

皇乾眷命誕明主以中興良月就盈增祕篇之上壽  
更憑寶梵用祝遐齡

盤洲集卷一

三

一

皇帝陛下伏願聖與天通福如川至五十而慕父母  
益重舜德之華八千以爲春秋共獻蒙園之頌

南華齋羅漢疏并序

紹興二十年十二月一日舟泊虔州夢至一古屋  
下忽街中水深沒膝不可出遂登屋行數十步有  
編大竹爲高墻隨行人皆自彼下街予畏不敢進  
遂回復入屋下過一處如人書室有文書委地返  
顧尚有一介相隨予將出戶見隨行者取文書已  
盈抱予恐其外有人令弃之既出戶見堂屋下有  
數人坐於地以白輕紗爲衣如深衣然柱間皆貼



紙畫人物予意其家有學畫者既過堂前見數房  
內帳幕皆是墨畫人物已過數間因駐足視之乃  
地獄罪人變相予方知是冥府復行入後廊下欲  
出無計因就地坐閉目誦佛覺有小介蟲如大黑  
豆然綴粘衣上拂之不去忽聞人相笑聲遂開目  
復行諸蟲自落直後有橫壘地形頗高最後簷際  
數尺見天如鑿山作屋地者至彼見其上有一僧  
屋下有穴數十予問僧求入僧指穴入穴中閉  
目即可出矣予問既出以何為報僧云何以報為  
予再扣之即云只齋羅漢亦無所費予曰當作報  
誰僧云但言回施六親眷屬予入穴覺其中皆是  
沙努力以下頗如今之砌臺不覺擦平處而寤  
一夢入冥念欲歸之無計六親指路如已死而復蘇  
淨記當時之言虔修關士之供因仍攝事答謝愆期  
仰冀慈悲曲生勸喜

饒州歲會道場疏

南楚名邦盈鄴居之萬室暮春良日崇賽具於群神  
歷甲子之一終繇戊辰之三會初心無怠大報益虔  
掃寶刹以妥靈扣琳宮而徼福驅厲鬼兮山之左共  
祈奠枕之安祀盤庚于門之西那復濟雩之患式修



故事願出餘財

廣州獄空道場疏

五羊都會抵重罪者居多三院空虛傳昔年之未有  
仰真乘之庇護肅寶相以薰崇伏念此邦瀕於大海  
逐魚鹽於多槩易萌剽竊之謀雜蠻蠻於齊民常有  
鬪爭之事誣是非於歛舌輕性命如鴻毛某自佩郡  
章不留庭訟念草萊獸獮皆仁政之宜爲然莠養未  
傷即毒渠之浸長每原情而用法不任意以逞刑仰  
體好生敢令瘐死政非成於五月獄偶無於一人爰  
啓梵筵廣敷貝藏汝沉寃於旣然嚴淨福以無邊伏

廣州獄空道場疏

五

願慧劍解割於惡纏法炬開明於善地慈悲所化永  
無犢佩之群遠邇可封不必鼠墉之聽

廣州獄空道場疏

遐萌丕變浸銷罪訟之風幽圉屢空悉自法雲之覆  
適當開歲爰啓梵筵伏念某典郡于斯隄冬已再訪  
游禽於絕澗每戒深文鞠茂草於園扉游臻善効尚  
虞桁摺之下或有檻牢之寃仰賴慈悲爲之洗滌伏  
願刑章益措無重罪之繫囚慧力無邊躋斯民於壽  
域

廣州禱晴疏



田疇將穫既屢苦於愁霖鄴市無聊亦難營於飽食  
爰裒淨侶仰扣上靈伏願陰隲下民導迎善氣積靈  
解駁無翻手以爲雲圓象清明遂舉頭而見日

謝晴疏

沉陰弗解寔懷苦雨之憂慧力無邊遂啓清暘之禱  
方鑪煙之上達已氛曠之四除恩則甚深報於何有  
更祈慈覆益庇含生

謝雪疏

五日爲期即獲同雲之應千巖俱白載瞻積雪之祥  
稽首陳詞齊心拜況尚徵帝力終佑民編

禱晴疏

田家作苦懼雨勢之傷蕪蠶事既登待日華而收繭  
惟霖淫之未已輒齊洗而有祈伏望淵鑒弗違積陰  
丕變副此下民之望賜之旬日之暘庶無偃仆之秀  
歧可以縱橫於巧織

謝晴疏

翻手爲雲致織婦耕男之愁歎舉頭見日快牛童馬  
走之清明豈涼德之能然顧厖恩而何報更期時若  
以反秋成

謝雨疏



踰旬不雨正懷旱暵之憂下日叩闕即獲雲霓之應  
連縣甘霖霑足多田吏逃失職之愆農有逢年之喜  
恩將何報言不能宣天且不違願終十雨五風之惠  
人之所欲庶底千倉萬箱之收

禱雪疏

歲聿云暮未瞻積雪之祥天且弗違願賜同雲之澤  
爰趨丹宇恭霽赤情冀三白之應時免大陵之作沴  
設廳請觀禱晴疏

一秋常雨既屢控禱祈千羊大悲豈不憐其饑饉  
念多稼已傷而無繼顧來甦未播而可憂僅霧霽之

世宗皇帝

卷二十一

弗休將流亡而莫救敢迎妙相來慰黃堂願廣布於  
法雲即盡驅於沴氣庶使提封之衆免淪草野之凶

謝晴疏

叩蓮宮而禱請虔奉紺容掃寰舍以莊嚴敬拔丹烟  
惟回天之有力能出日以開明解四境之怨咨副九  
衢之瞻仰慧光所燭願長運於慈悲遺秉可儲庶少  
扶於凍餒

水陸疏

千燈之叢一室不異一燈一月之照千江便成千月  
物理如是佛法固然伏念荆門頃遭厄會或家屠於



劇盜或命絕於凶年或析骸於竈觚鼎耳之旁或跣  
血於車輪馬足之下豚無掩豆若敖氏之鬼長飢爪  
不表犀其漠君之冢何在既沉魂之未拔宜和氣之  
弗充凡此遺民殆非平日竹籬茆舍常濫飲之相驚  
白叟黃童亦四時之有疾欲求不盡之福迺肅無遮  
之筵伏望一切虛空四維上下廣大雲之法蔭同作  
證明變甘露之珍羞率令飽滿一郡得沾於樂果三  
塗永脫於迷津仰冀覺慈曲垂洞鑒

芝山水陸疏

買山作圃雖久閱於歲時書地種花已粗成於畦徑

蘇州卷第十

一海

念開鋤於積土或傷犯於遺骸常懷不忍之心茲肅  
無遮之會伏願慧炬燭於潛壤法雲登彼沉魂使之  
捐蓬顆之居往生樂國於此飽伊蒲之饌永脫迷津

金臺開堂疏

新會迺五羊壯縣金臺有諸佛道場須得當人式揚  
正法其人解第一義續無盡燈道既心傳何惜逢場  
作戲機能口伐未嘗把纜放舡而今踢倒淨鉢休要  
橫檐拄杖請外猊坐爲證龍華

仁王請長老疏

舉拂白槌須是棒頭有眼尋枝摘葉盡皆雪上加霜



惟仁刹之道場迺羊城之淨社當求覺者爲闡宗風  
某人末法津梁叢林耆傑迅機激電一喝可以接人  
挈行傳燈三關端的繼祖願携鋤斧坐斷禪床莫辭  
辛苦速來要看斬新拈出

請西竺長老疏

西竺近作名藍財去城一牛鳴外南方希有道眼誰  
進步百尺竿頭丈室既虛真源曷振某人能判公案  
見許作家遠遊寂寞之濱全無藟苴之習幾年雁錫  
真箇得魚忘筌今日拈槌定不向空釘橛願聞一喝  
爲破群迷

雲封長老開堂疏

斬丁截鐵須還本分鉗錘摘葉拈花不脫前來窠臼  
欲宣妙旨允屬當人長老道價甚高叢林所許徹開  
關揆笑它鈍鳥棲蘆不墜宗風真箇泥牛吼月此百  
粵踐蛇之境界乃六祖覆鉢之道場肯隨嶺上之雲  
爲指庭前之栢要看橫說豎說見得奇哉妙哉

代爲母還水陸疏

佛起慈悲之心隨緣必應人有呻吟之苦修善或除  
徼十方賢聖之靈設三界冥陽之會伏念母氏嘗蒙  
疾疢浸閱冬春三折肱而知爲醫曾弗逢於良藥一



舉足而不忘母爰有禱於寶坊賴正覺之開顏致沉  
痾之去體是修淨供不違本心伏望一切虛空四維  
上下瞻十地坐蓮之相三乘皆具大乘聞五天譯貝  
之文一食爲無量食咸生歡喜爲作證明所願福德  
川增灾殃水釋數口保團藥之樂四時消坎壈之憂

代爲妻還水陸疏

居色界無色界之由愛纏未脫惟法聲非法聲所暨  
善報相隨嘗祈大力之尊願肅無遮之會已叨慈蔭  
敢替前言某昨以妻某氏欲火所然葉山弗坦惟四  
大假合之妄未悟空花而十月滿足之時且臨坐草

唐河一集二

不賴諸佛菩薩孰憫一切衆生輒伸合爪之私遂獲  
免身之吉偶微官之奔走致淨供之愆違伏望三界  
冥陽四維上下來飽毗耶之飯同作證明預聞優鉢  
之香悉皆清淨所願分光慧炬蒙庇法雲滌曩夙之  
過郵崇來今之福利如是因如是緣如是果俾無六  
甲之虞歸依佛歸依法歸依僧更迓一丁之喜

薦張正甫疏

萍蓬無定共嗟旅食之窮人琴俱亡忽見佳城之閉  
聊憑佛力少助冥途伏願洗滌宿塵除惡纏之煩惱  
濟登彼岸瞻寶相之光明



薦亡媿趙氏疏

平生蘊德內外無有間言一旦遡幽俛仰已成陳迹  
追色辭而結想仗梵唄以洩哀伏惟出帝王之後而  
不習驕奢擅閨房之秀而能閑禮法獨居八載不踐  
二廷披寶筴而晨課有常受秘籙而齋居甚確世味  
真同嚼蠟道心可謂斬丁故能一彈指間不覺三寸  
氣斷六姻無不相弔七日又復如馳伏願慈蔭雲深  
惡纏氷泮如露如電如夢幻夙悟斯言大雄大力大  
慈悲爲躋彼岸

薦趙監廟疏

鹿洲初集卷二十一

一

五十九

相從曩日夙期事業之成一訣終天孰謂死生之隔  
供桑門之淨侶演貝葉之妙文有賴慈悲爲崇福德  
其人襟靈開豁論議該通奧篇遠探於羲農律筆仰  
師於韓柳出名家而延賞舊矣奉祠逢近屬之來歸  
釋然讓爵喜愠不形于色得喪莫累其心人之難能  
世所推重暨叅佛祖頓悟禪宗地水火風了覺此身  
之妄夢幻泡影豁起是觀之空念再世之契深在諸  
親而情厚忽聞音訃采切哀悰不勝悲悼之私少仗  
莊嚴之助伏願濟慈航於彼岸分法炬之餘光善纏  
惡纏煩惱纏悉皆解脫我相人相衆生相益契真如



祖母周祥疏

日薄西山已愴含飴之遠律中商呂俄臻升穀之新  
願暮制之六終想慈顏而如在惟是一心之痛不勝  
五體之投仰慧炬以無邊庶冥途而有助伏願幻塵  
席卷福海航安諸如來舌相廣長遍覆色界非色界  
善女人耳根清淨常聞法聲非法聲

祖母忌辰疏

望斷新阡阻一官於千里悲纏諱日驚再見於三秋  
雖合爪以有祈曾含飴之莫報伏願同前

祖父遠忌疏

幻心未滅孰知空果之非祖武是繩久痛靈根之殞  
適臨諱日采切哀悰伏願法雨霑濡迷雲開豁尋光  
見佛既不入於稠林如渡得舡遂即登於彼岸

亡妣忌辰疏

職叨丞郡記孤矢於初生養缺循咳痛杯圈而罔極  
適際僚幽之日不勝追遠之情伏願借潤智淵分光  
慧炬或因六十二見而造罪障盡得斷除不於三四  
五佛而種善根遂生安穩

寧海薦亡妣疏

生我劬勞適至垂孤之地思其居處不勝吹棘之情



痛三釜以莫伸瞻六牙而有禱伏願慧燈分照法鼓  
聞音清淨諸塵起蘊麝名香之想濟登彼岸生蓮花  
寶座之中

樞第水陸疏

人生如寄興哀常棣之詩法力無邊徼福菩提之路  
肅三界冥陽之會伸百年兄弟之情亡弟大資享壽  
不逮六旬遡幽已臨三七平生舉措或有誤於斯心  
厚夜沉淪恐未登於彼岸痛深同產誠扣大慈淨供  
無遮共飽毗耶之飯惡纏悉解願歸兜率之宮

諸子為母氏水陸疏

盤洲文集卷之三

十三

海

吹棘凱風痛益深於七子傷心素鞞禮遽浹於三丘  
永惟罔極之恩虔卜無遮之供亡妣頃嬰末疾奄樂  
浮生曜魄如馳驚再升於新穀杯圈徒在愴久廢於  
長筵哀戚有終劬勞曷報雖平生之積善恐人世之  
多愆致尚滯於迷津或未登於彼岸設三界冥陽之  
會徼四維上下之靈願賜慈悲曲垂揀拔法雲敷蔭  
盡解脫於惡纏慧炬分光即往生於樂國

盤洲文集卷之三

第七十

盤洲文集卷之三

盤洲文集卷之三



朱氏

文集卷第...

文五十七

台州謁先聖文

...

...

昔先聖之門以政事居文學科之右蓋能推惠浹民  
與區區鏤章彫句者端有間然某綴第詞林進汙群  
玉之府便親露請來貳此邦而初試民政日夜惟念  
未能深燭厥理然鑿心究精問可省否不敢少負所  
學効職之始是申祇告惟先聖之靈之

謁諸新

郡丞所以貳守一州之事實關掌焉某備數道山私

...

請得外以來為是邦之位雖心乎斯民不敢有負而  
初試從政大懼莫克逃責佩章之初是用澡思控誠  
以祇見于祠下惟神尚佑之

造閣告土地文

昔下邳趙興每至官舍必移穿改築故犯妖禁而爵  
祿益豐漢史書之某附贅郡貳公宇仍幕寮之舊陋  
冗叵居獨東偏有地掌許因芟雜榛莽作小閣焉暇  
日可以放目遠覽復廢蔬畦以植雜花而疏池其間  
以冀縱步徜徉之適陰陽家或以拘忌為言而延袤  
無幾不可避屯取休大懼奢祭之非獲戾于上下神



祇是敢援趙興之事以請惟聰鑒其實賞之

辭先聖文

某未更州縣條章弗之習再歲任職誦所聞不敢念其私偶逃吏議而去不敢不告

辭諸廟文

某佐州再歲於公無抄忽之補而一身免疾且不以罪并得借婦息問昔塗以歸神之惠我亦私矣更書有期陳酒拜况

禱蒼山神文

昔王陽不度邛崃九折之阪遂成孝子之名某以父

長文社

長文社

遠謫亟欲歸侍避天台數驛之迂冒蒼山萬仞之險事與昔殊心乎其親則同也問塗未幾仍日之雨如注瞻空默祈賴神之靈屏翳久休溪殺其漲故朝得以涉進而止于茲山之麓而雲霓屯幕不見巔岫天光韜而不登念鳥道嶄絕旁臨邃壑或雨興于上淖艱于下盡室百有餘指將必有僨越之患惟神興哀終此大德

謝南湖神文

家累千金不垂堂坐國有六職實禁川游故馮河而死者茲謂輕生而近墻不立者然右知命比浮一葦



遠絕重湖中流而遇風波雖噬齊之無及明神能出  
雲雨庶稽顙以能通爰瀆龍顏與安鯨浪果獲監觀  
之助遂無淪溺之虞平昔萌心謂魯連之可蹈從今  
束手與范蠡以相忘瞻覆轍之在前乘扁舟而知懼  
非因噎爲之廢食蓋吹壑所以懲羹敢尋前言輒邀  
靈駕物去不腆効祭獸之報焉意則無它異操蹄而  
祝者

祈晴文 已下二十七首係代廣師作

凜秋將半愁霖弗休稽者懷憂居者告病奔走丐祝  
豈無明靈惟神之尊大庥此土願借威力一掃陰氣

卷之二十一

三

張

時賜舒光吏得道黃磬折祠下惟神臨之

謝晴文

下潦上霧積旬弗已民以爲戚吏職其憂惟神聰明  
歆荅如響鑪煙方布氛曠已清坐致謳吟一變窮慘  
神功如此豈望報乎洵酌揭虔以謝靈貺

祭勾芒神文

天子命我盡牧南海之民農人告予將有西疇之事  
念銅虎謹班春之職出土牛示嗣歲之期敢恭明神  
以庇此土俾曰暘曰雨之若政如茨如梁之收

祭風師文



大塊噫氣扇物功溥入律之初祀事道舉五日應期  
無育無颺

祭南嶽廟文

暮春三月有司率故事並走于群祠惟帝之靈放于  
四海粵分實有別宮焉庶幾徼福使瘴癘熄滅兩風  
節調民獲寧書不示以抹過惟神其鑒臨之

祭南海神廣利王文

諸侯祭其封內山川古制也惟神築宮專祠實尸南  
海之威休民之奉事度不敢怠暮春之吉祀有常典  
庶幾徼神之福使瘴癘熄滅兩風節調民以供居吏  
得以抹過惟神其聽之

祭十賢文

惟公咸以抗節之舊流德南紀吏民奉事久而益虔  
則公之所以庥于此土雖千百年猶昔日也春禋之  
季祠以徼福

祭王中令文

某自廣易闡道出曲江謁文獻張公經祠而我外王  
大父列祀西室蓋公歛惠斯土雖數十百年丞嘗之  
禮不替某獲分餘蔭而幼失所恃棘風寒泉之思無  
一日志也今瞻印像貽愴然有感念瓦缺壁穿丹青



侈剝遂以私錢誘邑官葺飾因陳牲酒之薦惟公其  
鑒之

### 禱南海神廟文

大凡一封之內神受命于天吏受命於君以分幽明  
之柄其責等也其材智無長濫受牧民之寄夙夜自  
勵靡敢留事今歷三時矣獨是盜賊未能滅心纍化  
蓋此邦岸大海扁舟出沒易於反掌習俗相煽輕死  
抵法化之弗銷而刑之弗懲也是用齋洗露誠乞靈  
于神惟神之靈大福此土庶賴威力潛變愚民使之  
悛悔自新不復爲多榘大權之計山行海宿如出坦

一 聖訓卷之七下

五

張利

塗吏責既逃而神之吏王斯民施則甚博

### 祭勾芒神文

三載鞭春寧復一牛之愛群心望歲甫興九扈之期  
徵于明神監此詞酌願相賣刀之俗益侈求箱之儲

### 禱南海神文

嶺之東南暘不時災沴玄變煙嵐四起中之則病故  
遠官者以瘴癘爲憂其奉藩于此鞅掌簿書夙興暮  
休不無勞瘁衝冒之患而盡室數百指起居飲食安  
能自適厥中念非明神默相則何以弭災得吉今躬  
謁祠下是用私有禱焉庶幾仰借威靈之護使一門



長禱無呼醫問藥之事與時秋滿咸遂安歸則皆神之賜也瀝懇控誠神其鑒聽

秋祭諸廟文

秋辰斯飛季月琯兮人無札瘥嗚呻歎兮可以卒歲汗芻蒲兮匪靈之性曷臻此兮鳴鑼拊鼓崇報事兮物去不腆酒則旨兮春和蘭菊不殫兮不噉以笑靈既來兮又庇我民然之歎兮

禡牙文

維年月日具官以... 重牙之神國家仁民偃革不用邊亭十載無... 有蠢叛黥嘯于章

蘇州二集二二

八

張祖

真憑陵城郭假息崩凶某把麾東廣實摠師衆皇帝有命發兵循潮往扞嶺院用固吾國鎧甲摩劍前茅有行典有禡祭不敢不虔勾神之佑覆其妖巢不煩接刃螳斧自衄無使逋誅貽恥于神急急如律令

祭南海廟文

昔儂獠請凶長驅數郡鋒摩番禺藉神之威不能搖毒遂釁鍾鼓而斯民免蹠血之患綸函寵封以荅陰相嶺以南戶知之惟神之靈放于四海豈限彼疆此界哉今章貢叛黥嬰城連三月矣生齒何辜淪胥塗炭天文雲集未奏膚公豈神能摧孽獠于前而不能



殪魁渠于今也施明靈以助王師左翦右屠毋俾假  
息鄰封洗兵則吾之境內益奠枕矣

祭勾芒神文

迂木官之御序告耕耘既飭之期出土偶以揮鞭無  
穀棘可憐之狀揭虔徼祐望歲祈豐鑿斯蕓藻之微  
賜以餘糧之喜

荅祭颶風文

徃歲夏秋颶風三作發屋拔木瀕海諸郡皆病之迺  
季秋月朔有赤青氣見于東方人指以為颶母越九  
日乙未箕伯扇怒濟以疾雨蓬勃之勢張甚惟前事  
之可慮也因齋心有禱賴神之力曾不崇朝雨斬風  
迴害弗及物瀝酒以謝吏其敢後

卷之二十一

張祖

奉安天王文

在天寶時神能出威靈有功于西域始詔天下策祠  
高墉今五羊維治城堞念像設晡昧是加粉飾及其  
畢功瀝酒以告惟神永庇我民以扞外侮

春饗諸廟文

春律之杪農事竣興著爐瀝禱格神乞靈時雨時暘  
無災風潦瘴厲消殄五穀既好神其賜之指期以報

禱東廟文



某存歲收人賴神之力穀稼昏熟抱鼓稀鳴得以採  
過而瘴癘不作民樂其生往者顛黥狐鳴嘗有禱焉  
果得陰相茲鈇權毒大庾以南無遁逃蹂躪之患某  
今去終更財八旬決說者謂閏歲多瘴敢徼終惠使  
盡室數百指及期安歸仰瀝丹款惟鑒聽之

立夏東廟祝文

每歲立夏守臣承天子命有事于廟今祝冊及期不  
至竊意章貢道梗奉之者或有失墜不敢廢常之祀  
躬以犧幣致告俟冊至當嗣走祠所惟神鑒臨之

秋饗諸廟文

秋箭且盡凡封內血食之祠有司彌祀之所以爲民  
効西成之報也惟神庇之至于今矣說者謂逢閏必  
瘴念茹黃惟時不可不慮敢因報有禱俾無菑無害  
左餐右粥優游衣褐則神之加惠我民有終矣

奉安南海王文

惟神以聰明正直庇南海之民凡有疾病憂戚靡不  
奔走徼祐城之南有別宮焉此因繕堞鼎新祠房而  
像設昏剥遂加崇飾練日之良妥靈薦馨惟神有靈  
永福斯土

奉安十賢文



子城東北隅有屋數楹列晉唐刺史十人之像皆有清節善政可以矜式後來宜世世血食無愧偶因颶風瓦飛棟折非甘棠勿翦之意既新雉堞遂葺祠宇飾像設以吉日具牲酒再拜安靈惟神視今如昔求庇我民使踵後塵者無曠職之責則所以報事益虔矣

### 奉安土地文

惟神有祠于守居之西實司此土而血其食久矣仍年以來楹桷漏罅風雨不除圖像黝昧弗稱祭薦酒饋饋以日吉陳牲酒以告神其臨之

### 謝船舶風便文

大賈乘巨舸往來蛟龍滄溟之中一瞬千里風稍失便則淪溺破碎不可抹非神相之安能布帆無恙今也歸檣泊步人免魚腹之葬而珍寶雜襲所以富國甚腆則報可忘乎酒旨牲碩惟委鑿焉

### 廣州辭廟文

某底官番禺行足三禩賴神之祐歲穰盜化使縣薄得逃大何而私室衆累不嬰茆黃草青之疾今夫子不以爲不材復使治閩問塗有期陳牲酒以謝惟神終惠之



辭南海神文

某司南粵之印自秋涉春者三神職其幽某職其明  
非神福之則安能歲登盜革訟希事竣使得道譴何  
之域其私則數百指之累老者東也所謂茅黃  
草青之瘴絕不復染今天子不以某其薄材下復使  
司東粵之印戒行有日罄折謝況尚期長途終此陰  
相

荆門謁先聖

某誦聖人之書垂四十年游官之日居其半之謹巧陞  
阨一紀家食始得臨民於一障不敢以遠且小而忽

楚辭卷之二十一

一

李

之也班錄之初敢不祇告

謁廟文

某驚狼無取冒恩與城實與神分幽明之極其不能  
撫摩凋傷而徇已之私神當降之罰至言時雨賜弭  
疾癘神不可以不助之也

祈雪文

涉冬少寒天且不雨非時雪以鎮之則開歲必有癘  
疫之患方卜日致祈如已響答固嘗示續紛之兆矣  
罄折以禱神其聽之

謝雪文



荆門不見雪距今四歲一禱而三日再白神之爲賜  
大矣馨鑪瀝觴何足言報

祭勾芒神文

推天駟以趨祥不愆舉自出土牛而首事何惜碎身  
率屬乞靈爲農祈穀願鑿汙邪之祝使歌華黍之詩

祈清文

雨自暮春至今或歇或作三其月矣農雖得麥而不  
能暴也使腐爲飛蛾是與不賜之收等耳神歆  
此土忍而不恤之耶

祭武安關王文

據正清文卷二十一

十一

張祖

某結髮讀史固已仰王之忠烈美玉泉窮山而精爽  
不鄙之至于今血食嶽降之日遠邇奔走猶生之年  
某貧不擇祿水陸之塗三千里而至此此外有官事之  
責內有長穉疾病之慮引領企踵而心已馳於彭蠡  
之陽矣印紘所絆不得進拜祠下敢具卮酒以薦惟  
王其右之

徽州謁廟文

某奉 天子命易守茲土佩印之三日踵故謁于祠  
下神當時其雨暘消除水火盜賊疫癘之事以陰相  
于上私而不公神則極之



麥秋矣雨不止則穉卧而損其收也蠶簇矣日不出則蛾將飛而繭無以暴也歉歲之後俟來麩以抹而紅女徒勞將無絲可貿也二者垂成神不終惠何以彰廟食之靈也吏聞惟腥可罰可斥而民不可以不畀矜也

謝晴文

某以雨害蠶穀乃甲寅遲明奔走乞晴登車之始雨足未斷謁祠而返人已徹蓋不旋踵清風起於東北掃除重陰化蒸溽而清涼青天白日衆所瞻仰吏則不德何以感召惟神有大威靈曰暘而暘如反覆手

張祖

二二

張祖

危酒一肉何足拜況

謝雨文

歎在群山中厥土燥乾水不可瀦六七月之間十日不雨則閔閔然有無年之憂越五月乙巳雲霓不作禾已秀亡以趨澤方齋心瀝辭將以癸亥拜手祠下乃壬戌之晝驟雨相仍犁明復有沛然之賜肥瘠露足人用欣然神有庥恩何以言報

祈雪文

三夕屢有雪意或雲同而解或霰集而止或雨過而霽去春不再旬若終無六出之祥則民必有癘疾吏



不敢默齋心乞憐惟神其相之

辭廟文

某倉臺旬歲無補秋毫茲蒙誤恩擢之郎位且總軍賦于京口啓行有期拜況而去

鎮江謁廟文

某從事筆墨心計闊疎猥蒙誤渥督餉京口數道出兵饋餉艱梗之興之罪懼不可逃仰祈陰相以濟國事泣職之始敢不告虔

奉安土地文

惟神職茲土舊矣廟宇下窳濤襄弗蠲吏卒哀財一

每五清文十一

十三

張祖

新楹楠偶有土木之役因盡徹旁屋稍遷爽塏得日妥靈敢薦薄具

辭廟文

某給餉二年偶逃大譴天書橫及俾歸班列具舟將行拜況于廟

紹興謁文宣王廟文

某罷政還里方省愆咎誤恩遽及來守稽山泣篆之初敢以敬告

謁諸廟文

某受命守藩消辰泣篆仰徼陰相敬薦清觴



禱廟文

東儲有疾天子是憂並走靈祠式祈陰相有司奉命  
即日投誠願垂擁佑之慈遂迂康寧之福

諸廟祈晴文

閏秋淫雨殆且盈旬矣多稼垂成而壞之豈不重可  
憂也神之血食于此久矣其忍不救之耶變陰為晴  
易於反掌奔走乞靈惟神其聽焉

再祈晴文

癸辰虔禱僅逢數日之晴改月連陰復苦半旬之雨  
天時若此歲事奈何敢逃再瀆之非期救一方之患

謝晴文

七八月之間旱蓋為常歲之憂五六月至于旬連有  
愁霖之害嘗控誠禱遂開積陰願終賜於鑒臨俾無  
傷於刈穫

辭廟文

某守越踰年曠官是懼上章引疾拜命奉祠言歸有  
期瀝觴以謝

盤洲文集卷第七十一







祭文三十一首

祭錢仲仲文

公之種學朝夷夕耘羅書數萬比櫛差鱗日游其間  
 搴芳茹芬發為詞章鳳隨龍筋律古作者刊落腐陳  
 輿臺郊島甲乙與一第恩公逸期弗振黑頭掛冠  
 瑩莫可塵結廬阿松菊稱賓我辱葭莩寓公桑粉  
 升堂請疑倒窠頌困浦思山哀倡玉賡珉公不我鄙  
 再三沐薰春榭秋畦一笑同醺雄辯劇談吾亦津津  
 我官中都別之始分公遊天台率歲之春返旆過我  
 繼繼情親我歸江東歎興參辰聲翼再來新詩逾勤  
 復命未幾哀訃已去悲哽填膺雨泣繽紛耳言具在  
 手墨方新如何一訣蘭銷芝焚千里飛觴侑以斯文

祭熊承議文

惟公德寓金聖玉温相祥竹素言涉其津芳風清埃  
 籍籍榆枌含徽韜耀非此其身幸哉有子得雋金門  
 贊治名城擢象夸銀起家其休榮章逮親文階六進  
 式峻朝紳循陔自南彼蘭之芬我贅別乘公行文人  
 承顏一再談緒相欣天平齋年奄忽徂泯枳棘薦肌  
 此情楚辛有醴既旨有饌既陳塊兮其來是將有聞



祭亡姑文

往者伯祖官會稽姑淪末疾年方笄寧川有兄挾棘  
棲棠苑蕭寺久不治猶子監郡丁縣時一觴來奠垂  
涕夷仲氏使節閩川持歸骨故里終可期魂之來兮  
其有知

祭董莘伯文

挽髮識面志形定交寓君梓里尺五誅茅徒步造門  
握手適郊有唱必和軸脂牛腰女弟擇配占吉鳳文  
締好申盟投漆以膠我歸故鄉判袂神臯君宦鄰郡  
徘徊賦曹仰事大宮心降尻高自我不見霜楓五飄

書札方翻忽尋里蒿失我好友撫膺號咷嗚呼哀哉  
君之嗜學如舍而獲君之騁辭執則風騷植性和粹  
志操昂霄竄首六轡馳驚天朝正不得生美木先凋  
藐爾孤女無子承祀天則不仁直上蒙妖雅雅語言  
疑疑風標想象平生歲心以引嗚呼哀哉隔山河兮  
迢迢望殯言兮窆寥酒欲奠兮非親魂之去兮誰招

祭王侍郎文

遙遙華胄太原之王代有賢牧流芬五羊若珉在齊  
僧孺在梁鎮之在宋方慶在唐並載清德如水而霜  
我公是似奕葉相望銅虎其符金犀其章雞始鳴矣



公坐黃堂粵俗苟且吏具無綱訓狙警鼯束馬轡韉  
奉牘序進流汗怖惶遐萌蠻戶狃習犷強繩以周索  
燭察隱藏滅心累化善者相慶夙寇多聚出洲入洋  
草薶禽獮苗有肖航官府丕變中原之鄉豆區金鍾  
一其旣量緇黃宣淫此偶歸良冥漠旅骸相從高岡  
盲風恠雨昔害今祥卓然治行赳赳龔黃謂宜賜墮  
歸鷓鷖行太歲在巳豈事之常仁人必壽寃哉彼蒼  
某姻連之舊來鍾門墻自公之疾視劑披方同戚賓  
僚從容諸郎窮夕不寐異公小康吁不昨社弗際扁  
倉温温初言表露肺腸今不聞關心焉遇銜縮酒泄  
哀魂其來嘗。

祭王侍讀文為大人作

往在政和伯父執憲公締華姻弛擔庠館我於是時  
蓋傾初面其後尊公攬轡王畿屈大丈人博奕同嬉  
公於是時數會鮮公自我出疆金陵話別半世來歸  
公持使節迎我過我尉藉契闊我謫真陽公休豫章  
檝楫河壩閱世炎涼公來問疾不改故常扶胥之鎮  
控蠻韜帝私遠人起公來殿孰謂此生握手再見  
紛紛市道反面革心交親落甯恨其未深不有君子  
寂寥義襟兩州相距道羸十舍水湊陸來憧憧日夜



咸曰南伯無如此者小大斬斬遵矩守刑宿茲菟廕  
有剗無藏鯨波馘盜鷁首叢商佛宮沈沈立祠以繪  
天書當來懼失所賴鬼憎剛方委魄荒外公昔唁我  
我今弔公死者立首生者途窮清酒一慟瘴氛改容

為大人祭家叔文

半世漠北聲問中睽王畿再見使節喜持共居里社  
娛慰相得永日一枰佳時五白我落炎方君歸自閩  
謂宜翔迂尚燁吾門吾門微矣天鍛長翮末疾不起  
九原永隔海中一漚今散音浮惟君了了超然孰儔  
改轅未期棺不得撫寓哀陳觴老淚飛雨

世宗朝卷十一

口

三

祭王侍郎文 為景揚作

臺嶺之南獠蠻錯處漢氏初郡風移椎踞五管今二  
廣為大府瀛波拍天大櫛之淵民狃素習壘不可鑄  
竒貨銜艘彼貪者泉清朝得人方慶之後象軸錦池  
褻綸溫厚我公聞命北面拜手人曰我公蓋言中都  
此瘴癘鄉非人所居公曰不然異天地乎維舟泝巔  
輿轎踰嶺即浮由江猿狖之境它人怖畏公一不省  
開府佩章有若其業事紛如蠅窺罅披藏治如京輔  
不陋其荒孰為官非闕法遵例孰為吏非偷墮委靡  
孰為民非怙強使氣孰害於教僧有疇匹孰浦於盜



囊橐巨室孰弄於市衡斗不一曾未一年刮剗群弊  
耆嬰加額曰見之未野鳥嘯兮昊天降厲嗚呼哀哉  
某高明自出又奉良姻盛德未報遠計忽聞約束行  
李前輟靈輜慈親生瘍夙莫嘗藥夫難是丁志負囊  
昨搏膺長慟寓此河酌

家叔起靈祭文

竹林就荒今十旬兮外堂開卷閱無聞兮塵留玉塵  
蔽蒲茵兮引脰訴天冤吉人兮黃墟陰陰宮既新兮  
翩其丹旌逝良辰兮淚落入尊格歸魂兮

又代叔祭文

雲呈呈兮含幽葉吟吟兮輸愁芻靈壟兮將駕指潛  
隄兮高丘蹇難志兮語言掩韋編兮淚流酒在尊兮  
命酌魂其來兮毋遊

又代嫂祭文

嗚呼夫家則叔戚黨維私嗟悲風之殞燭目六印以  
無期聆弱女之嬰嬰泣相對乎孤嫠狐兔將與爲隣  
永不返夫故棲駐素驂而進酒尚髣髴其中之

又代弟祭文

霜風掠掠吹我高原有寒者鴝鵒其長翼茂松之下  
維彼靈丘卜云其臧祖載有日寤寐中 叢悲中腸



旨酒是陳靈其歆止

祭趙安人文

惟靈婉婉高門德稱柔嘉作儷宗英采蘋澗涯事請  
壽姑蘭獻其葩謂宜秀眉服榮六珈忽兮即冥畫櫬  
以沙痛摧孝女慈感童牙嗚呼哀哉某等同僚君子  
好或通家講聞壺範承訃興嗟沃觴祭慳匪物之華

祭從祖弟景楊文

嗚呼景楊君旅食而枕疾兮不克謁醫而問砭竟委  
骨于它邦兮櫬莫憑而視歛復遠葬于異縣兮阻荒  
穴而送窆之企雙表而寄心兮酸攪腸而中慊我方但

季父於徃秋兮君又溯三泉而奄奄曰吉人必有後  
兮何斯言之不驗百年其猶一夢兮君曾不比夫伸  
父嗚呼懷君堅白之辯推兮與呼盧之氣贈較牙籤  
之寡多兮證金根而抱藁儀得練以底信兮勵白圭  
使磨玷挹快閣之夜光兮涉家園之春華 我以琉  
璃之鐘兮琥珀注而其醞或泛鶴於蘭汀 或聞雞  
於茹店乘小駟而焱馳兮汗漿流於僮僕我策蹇以  
殿後兮衣紛披而巾墊躡羽人之木路兮聞樵夫而  
席占雜詠諧與謔謂兮儻顏間之歛鬱 失乎俯仰  
皆陳迹兮空畫然而結念惟君百懷之 喪兮燎方



楊而息歆若椅桐未材而枯推方六博卡道而墮動  
期簡吉以下居芳筮則逆而龜厭遂齋恨以過隙方  
誰適墓而挂劍清淚寫如鉉水方沃單盃而反坫

代難老祭景楊文

嗚呼給事之後四子二孫各爲單子旁無它昆我也  
不天庇叔之尊叔近下世弟復不存何知竒禍卒汝  
一門莫莫蓋高誰能叫閻知與不知填悲悼冤弟之  
秀發自比璵璠謂宜亢宗視鴻而軒云何折羽不脫  
丘樊念我與弟如親在原交歎終鮮倡篋和填惟仲  
之春我方北轅弟出餞我宿郊步園曾不逾時些無

舟洲二集卷一十二

二

張貞

來塊仰空一慟聲不可吞昔謀結廬共依毀垣我歸  
召匠弟且祭墻圖未乾墨耳猶在言不廢同築以奉  
堂萱弟有四男黃口之鵝經紀分憂俟其冠昏翩翩  
素旗徃潛荒村靈有知乎來歆此樽

祭朱仲舉文

昔歲入嶺如故於新蘭言可又草味同薰飫我連篇  
以玉易珉回車班荆銷南浦竟曾不數月歸全遠聞  
今我來思瘴苑再春省念陳迹攬腸受辛嗚呼哀哉  
濯濯英韻如孔翠珍白袍者紛勇倍氣吞戰藝京師  
再屈益振少寄一弟必驩二親盈才懣壽匪今一人



埋志孰從長吉元賓薄醪寫哀尚何如云

祭梁侍郎文

赫赫東州人士冠冕有燁梁宗鼎鼎通顯自我宋興  
接武鳴珂幾人鴈塔三冠甲科再世秉鈞前叅後何  
人門之懿籍甚薦紳高山喬嶽柘杞盤根淑氣所鍾  
代有偉人惟公之英相臣之子早據要津聲落人耳  
龍飛白水遂執羈勒密依日月康侯晝錫時方外註  
俾鎮方回鷓鴣義蚌結剋磔丕變帝念久外俾還中都  
少貳夏官將柄斗樞忽嬰沉疴退卧漳濱十年問鑿  
養氣頤神駟訃忽馳孰不驚聞嗚呼哀哉惟公蘭玉  
策翰墨勲久矣定交寅緣登門杯酒通家情同懿親  
曾不披霧負負心曲寓文漬酒恨此蜷跼

祭從兄難老文

嗚呼自我還鄉同凡之居朝言夕語緜弄琴書暇時  
杯酒弈博投壺雜以笑嘲朋友之知自兄它徙恨不  
數見相過必款不忍背面兄既卜築仍復鄰墻日贊  
鳩僦彼棟此梁曰有螭梅封之後堂朱欄彫砌日以  
輸香有舞有歌樂未渠央我來災方餓我雙洪轡北  
帆南別愁分兩方春之季得冬日書盈紙諄諄詢我  
歸歟曾不旬浹訃音忽至校得書時兄已下世天胡



不仁天此良器升衣孔單不能漬淚嗚呼哀哉自大王父遂分兩支夕拜之後別駕繡衣繡衣父子繼踵九泉別駕早殞兄又不延三席孤嫠衰經奈同行道感傷有此灾凶惟我連蹇官心已灰謂其接屋杖屨之陪羣從凋落孰相徃來逝者之憾存者之哀數千里隔參辰則近病不問狀斂不無礙銜此酸辛痛如受刃流聞卜兆石潭之陽尚期歸以送窆藏嗟嗟難兄人琴俱亡

祭鄧提舉妻恭人文

稟生高門林下之秀鳴鳳其昌移天恊繇承姑竭孝

紛恍夙興春秋廟祀藻繁馨馨恭上接下間言斯寢淑行柔性宗姻所稔邑開湯沐榮對魚軒謂宜鶴髮壽考百年嵐熏霧染遂嬰沉痾疔劑弗良奄至大故嗚呼哀哉某寅緣官侶通家結驩妻孥相從如至親然自聞整裝方惜遠別忽焉降厲填此悲咽酒旨于觴食豐于豆再拜靈幃文以爲侑

祭呂教授母夫人文

生于高族作嬪儒門禮虔巾櫛懃謹蘋蘩稱蘭此行有淑其德里社姻連指爲壺則擇知州誨子露頴祠林望我莫府情好方深遂悲棘風奪其公慈母式陳一觴



莫盡悽楚

衆官祭鄧恭人文

猗歟夫人名儒之後典訓克閑女德之茂作儷君子  
見謂且家言采其藻居約去奢事姑如母逮下以慈  
鍾禮郝法克兼有之恭侔舉按賢過斷織顯顯蓋彝  
聞者仰則載榮鸞誥未啓國封天不與齡豈數之窮  
嗚呼哀哉某等借潤使臺並列賓案獲聞懿範如古  
所載忽傳倏幽悼興于心羅饌縮酒尚其來歆

路祭呂母文

嗚呼夫人有子未冠名馳須次并水榭空蓮池論議

卷之二 十一

張中

卓詭文采陸離金蘭耐久情比墳麓以子之賢知其  
母儀髮髮旣剪栝圈已非吉士嬰罰倚朋集悲況彼  
行舟次河之麋素旗翩翩遠哉其歸取醴以較庶幾  
中之

同寮祭呂母文

早服圖史之訓克恭蘋藻之職鄉闈範其禮法宗族  
稱其慈和金社流光芝玉相映及見其長策勳詞壇  
正伸三釜之養遽起蓼莪之悲某等定交賢息並游  
蓮府登堂之拜未遂就木之訃已聞漬酒素幃悲不  
能上



路祭鄧恭人文

質蕙兮行蘭禮容兮德音儵忽兮倏幽怨天兮靳年  
作嬪兮君子三歲兮使還端蓍兮探筮日吉兮時消  
靈衣兮塵翳總帳兮素筵美饋兮問途寄舟兮江干  
薤歌兮鏘挽飛旌兮翩翩薦誠兮有執莫盡兮悲酸

衆官路祭鄧恭人文

風吹空兮沉寥幽雲屯兮櫛之朝睇前止兮霧擁搖  
敗黃兮瘴茄悲夫人兮四德俱卜嘉耦兮名儒湯沐  
兮石窳榮華兮軒魚忽積痾兮弗痊惜不遭兮史跼  
開靈氛兮辰良橫去舟兮江隅挽丹旌兮再拜頌薄

醊兮生芻

祭羅權郡文

惟君有充然之學而發爲絢然之文有粹然之德而  
見諸隱然之仁色不形於愠喜交無間於故新研吏  
牘之靡密究下情而諄諄故人皆知其爲媿德君子  
而政見稱於遠方齊民惟平生之蹈景幸逾年之同  
寅偶旁郡之闕守擇賢者而拊循當問途之話別見  
君意之悲辛謂金蘭之分篤迺黷黯於臨分何期嬰  
此沉痾萬生死於斯辰驚訃音之聞耳屑襄涕之紛  
紛竟絆驥而弗展鍛風翻於乘雲望靈輶之戾止寓



哀悼於一尊、

衆官祭羅通判文

惟公螢牕種學定用三冬此筆成文有作者風登名  
鴈塔騰譽儒林牛刀小試卓魯銷聲遂駕星屏益宗  
厥稱遠佐南海人仰盛德究心吏事何枉不直攝麾  
新昌少借循良遐萌相欣召父南陽仁者必壽孰詢  
彼蒼嗚呼哀哉某等或以游宦同君子寮或以道義  
結金石交彌年相從見謂傾蓋河梁街杯黯然而邁  
期以數月擊舟相尋服集承塵遂聆訃音失此吉人  
誰不悽惻泚哀斯文有淚濡帛、

祭韓權郡文

嗟嗟少汲韜負軼才學耕文獲續美中台人避劇煩  
君曰我願蚤欣外臺聲埃滯顯題治中輿絆驥未展  
攝麾端溪治如畿甸燭扶隱藏貪悞股弁慈父蜚謠  
吏具丕變暫臨恩平飲惠胥賀天不仁遠子服兆旣  
昔者桂林實始識君相示肺肝似蘭斯薰謂且振翻  
乘凌高雲齎志盛年訃駁初聞厚終恤孤矢心古人  
斗酒則菲攪酸莫六、

衆官祭韓權郡文

惟公有瑜人之才見施於爲政有汲古之學見許於



倫等器利盤錯牛無肯祭銖兩藏奸免不可幸民手  
額而感惠吏重足而遷行故康恩兩州之治獨寡二  
於五領問千里之長途庶齧邾之一騁嗟秀木之摧  
風溯泉臺之夕景嗚呼哀哉某等金蘭心叶膠漆情  
親懷話言於疇曩狎杯酒之殷勤昔公之別渌波鄰  
鄰今以柩來瘞茆復春樓淚目睫文不樂悲再拜一  
酌公其中之

墓祭韓權郡文

儒采兮雅言兮分索兮彌年彼蒼兮殲良芝焚兮蕙歎  
瞻召父兮杜母有善政兮董肩楊芳兮耀遠傳循吏  
兮不刊朱明兮換律瘴草兮荒煙寄遺骨兮南紀俟  
後人兮謀遷想平生兮樓哽漬薄酒兮潛然

又同寮祭文

嗚呼尺波電謝今昔同悲嗟我吉人而止於斯遺愛  
在民棠芟四郡較德松銘方來傳信有夜者臺有潛  
者隧埋玉南荒執友攬涕魂兮歸來歆此一酌

盤洲文集卷第七十二









